

«ՎՐԱՍՏԱՆԸ» 100 ՏԱՐԵԿԱՆ Է

«ՎՐԱՍՏԱՆԻՆ»՝ ՄԵԾ ՍԻՐՈՎ ՈՒ ՋԵՐՍՈՒԹՅԱՐ

(Սկիզբը՝ 1-ին էջում)

պարբերականի կոլեկտիվի հետ իմ առաջին հանդիպումները մանկական թանկագին հիշողություններում են: Վաղուց էր, դեռ 10 տարեկան էի, երբ ծնողներիս հետ (հայրս գյուղատնտեսության փոխնախարարն էր) համգտատնում էինք, ձեր թերթի այն տարիների խմբագիր Ջավեն Պողոսյանի հարեալությունները: Այն ժամանակ առաջին անգամ իմացա, որ Թբիլիսիում լույս է տեսնում հայկական թերթ: Պողոսյանների ընտանիքի հետ բարեկամացանք, եւ բարեկամական կապը մինչեւ վերջ պահպանվեց: Տարիներ անց, աշխատանքի բերումով մոտիկից ծանոթացա Յակոբ Բլոգյանի հետ եւ, երբ վերջինիս թոշակի անցնելու կապակցությամբ բարձրացվեց այն օրերի «Սովետական Վրաստան» թերթի խմբագրի նշանակման հարցը, բավական ջանքեր գործադրեցի՝ համոզելու դեռեւս «Комсомольская правда» թերթի, եւ АПН-ի լրագրող, իմ վաղեմի բարեկամ Վան Բայբուրջյանին: Բարեբախտաբար, ստացվեց, եւ հիմա ուրախ եմ ու հպարտ, որ իմ բոլոր սպասումներն արդարացվեցին, եւ ներկայիս «Վրաստանը» պրոֆեսիոնալ լրագրող Վան Բայբուրջյանի

գլխավորությամբ, հուսալիորեն «նավարկում» է վերջին 20-30 տարիների «փոթորկուն ծովում»՝ հավատարիմ մնալով երկու եղբայրական ժողովուրդների կամրջման իր գլխավոր առաքելությանը:

Սիրելի «վրաստանցիներ», ելնելով իմ կյանքի փորձից, քաջ գիտակցում եմ, թե ներկայիս տնտեսական ու սոցիալական պայմաններում որքան դժվար է թերթի պահպանումը: Եվ ոչ միայն պահպանումը, այլեւ ժամանակին համընթաց շարժվելը, համընդհանուր տեղեկատվական հոսքում իրական, ոչ պոպուլիստական «մարգարիտներ» հայտնաբերումն ու այն օբյեկտիվորեն ընթերցողին ներկայացնելը: Եվ այն, որ հստակորեն պատկերացնում եմ, է՛լ ավելի զմահատելի ու նշանակալի է դարձնում ձեր աշխատանքը: Մեծ հույս ունեմ, որ իր 100-ամյա շննդ անցած «Վրաստանը», առավել «երիտասարդական» ավյունով կշարունակի ծառայել Վրաստանի ու Հայաստանի շահերին, վրաց եւ հայ ժողովուրդների բարեկամության ամրապնդմանը:

Շնորհավոր ձեր հոբելյանը, բանկագին բարեկամներ:

Մեծ սիրով ու ջերմությամբ՝
ՋՈՒՄԲԵՐ ՊՄՏԻՍՇՎԻԼԻ
Վրաստանի կոմկուսի Կենտկոմի 1985-1989թթ. առաջին քարտուղար

«ՎՐԱՍՏԱՆՆ» ԻՄ ԿՅԱՆՔՈՒՄ

(Սկիզբը՝ 1-ին էջում)

Անցել են տարիներ, շատ բան է փոխվել. խմբագրությունը Ռուսթավելու պողոտայից տեղափոխվել է Աթոնելի փողոց, «Սովետական Վրաստանը» դարձել է «ՎՐԱՍՏԱՆ», խմբագիր Յակոբ Բլոգյանին փոխարինել է Վան Բայբուրջյանը, փոստարկղեր այլեւս չկան, սակայն ամենեւին չի փոխվել իմ վերաբերմունքը թերթի նկատմամբ: Դարձյալ սիրով ձեռքս եմ առնում արդեն 100 տարին բոլորած, բայց ամենեւին չծերացած վիրահայ պարբերականը, ու մտքում փառք տալիս Աստծուն, որ այսօր դեռ ունենք «ՎՐԱՍՏԱՆ» -ը կարդալու հնարավորություն՝ շնորհիվ վիրահայ ընթերցողների, հայապահպան գործիչների, հմուտ խմբագրի՝ իր աշխատակազմով հանդերձ եւ, ինչ խոսք, նաեւ շնորհիվ Վրաստանի իշխանության բարոյացական վերաբերմունքի: Ես խոնարհվում եմ բոլոր թվարկածներիս առջեւ եւ իմ համոզմունքը հայտնում, որ 2120 թվականին «ՎՐԱՍՏԱՆԸ» կնշի իր ստեղծման 200-ամյակը...

Իսկ ի՞նչ է տալիս մեզ «ՎՐԱՍՏԱՆԸ», արդյոք նա բավարարո՞ւմ է ընթերցողի սպասումները: Ինչ խոսք, մենք՝ ընթերցողներս, հասկանում ենք, որ շատ դժվար է լինվիմ բավարարել մեր բազմաբնույթ հետաքրքրություն-

ըր, երբ լույս է տեսնում շաբաթը մեկ անգամ: Թերթը ստիպված է իր էջերում գետեղել ինչ-որ չափով ուշացած տեղեկատվություն եւս, որի պատճառով, տուժում են այլ բաժիններ՝ մշակույթ, սպորտ եւ այլն: Այնուհանդերձ, մենք տեսնում ենք, որ թերթը հնարավորինս բավարարում է մեր պահանջները. երբեմն՝ լիովին, երբեմն՝ թերի: Ու մենք դրա միջոցով է, որ լրացնում ենք մեր երկրի ու Մայր հայրենիքի քաղաքական կյանքի կարեւոր իրադարձությունների տեղեկատվական պակասը, հագեցնում ենք այսօրվա խայտաբղետ կյանքի բազմազան ոլորտներից մեր ծարավը եւ, վերջապես, բարոյական առումով այն շատ մեծ նշանակություն ունի ինձ համար, քանզի գիտակցում եմ, որ ապրում եմ մի երկրում, ուր զգալիորեն պահպանվում է ազգայինս՝ հայկականը:

Կրկին ու կրկին շնորհավորում եմ «ՎՐԱՍՏԱՆ» շաբաթաթերթի 100-ամյա հոբելյանը: Թող հարատեւի այն, քանի դեռ մենք ապրում ու արարում ենք այս չքմաղ երկրում, քանի դեռ ոսկեղենիկ հայերենը հնչում է մեր շուրթերից, քանի դեռ չի մարել դարեր շարունակ վեր խոյացող ծուխը՝ մեր նախնիների վառած կրակի ծուխը: Եվ չի էլ մարի:

ԷՄՄԱ ՄԽՏՅԱՆ
Բանասիրական գիտությունների թեկնածու, պրոֆեսոր

ԱՊՐԻԼԻ 14-Ը՝ ՎՐԱՑ ԼԵՉՎԻ ՕՐ

ՎՐԱՑԵՐԵՆԸ ԻՄ ԵՐԿՐՈՐԴ ՄԱՅՐԵՆԻՆ Է



Ավանդական տոները մեզ հիշեցնում են մեր կյանքի որեւէ գեթակա իրողության մասին:

Այդպես էլ, 1975թ. հիմնադրված պետական «Վրաց լեզվի օրը» տոնը՝ վրաց ժողովրդի համար մայրենի լեզվի պահպանման սրբազան պատգամն է իմաստավորում, իսկ երկրում ապրող ազգային փոքրամասնությունների կյանքում խորհրդանշում է վրաց լեզվի տիրապետման կարեւորությունը: Ի՞նչ հնարավորություններ է ընձեռում Վրաստանում ապրող ազգային փոքրամասնության ներկայացուցչին պետական լեզվի իմացությունը: Թեմայի շուրջ իրենց կարծիքներն են հայտնում մեր թերթի ընթերցողները:

Վրաստանի Նի-

նոսմինդայի մու-
նիցիպալիտետի Յեշտիա գյուղի թիվ 1 միջնակարգ դպրոցի տնօրեն եւ վրաց լեզվի ու գրականության ուսուցիչ Բեռնիկ (Նանե) Յովսեփյան.

- Ամեն ինչում պիտի սեր լինի: Դեռ փոքրուց շատ եմ սիրել վրացերենը, առ այսօր էլ այն ինձ համար իմ երկրորդ մայրենին է: Սիրելով վրացերենը՝ ջանք ու եռանդ չեմ խնայում պիս սերմանել իմ սաներին: Մանկավարժության մեջ տարածված տեսակետ կա, որ եթե աշակերտը սիրի ուսուցչին, կսիրի նաեւ առարկան: Իսկ աշակերտի սերը ուսուցչի նկատմամբ, ըստ իս, արգասիքն է ուսուցչի՝ աշակերտի հանդեպ ունեցած սիրոն: Մանկավարժի սերը արտահայտվելու է, անկախ աշակերտի ակադեմիական առաջադիմությունից, նրա նկատմամբ լավ հարաբերություններ դրսևորելու, նրա ամենամոտ ընկերը լինելու պատրաստակամությամբ:

Սեփական փորձը մեզ համոզեց, որ կրթական ձեռքբերումների ճանապարհին, անհրաժեշտ է ապահովել պետական լեզվի պատշաճ դրվածք: Իսկ այդ խնդրի լուծման համար, կարծում եմ՝ պակաս կարեւոր չէ տնօրեն-աշակերտ, տնօրեն-ուսուցիչ, տնօրեն-ծնող փոխհարաբերությունների այն ուղղվածությունը, երբ դու՝ տնօրենը, բոլոր աշակերտների մեջ կարողանաս տեսնել քո բալիկներին, բոլոր ուսուցիչների մեջ՝ քո հարազատներին, բոլոր ծնողների մեջ քեզ՝ որպես ծնող: Անկեղծ ասած, կոնկրետ մեր՝ Յեշտիայի թիվ 1 դպրոցի աշխատանքային գործունեության նախապայմանը՝ «Բոլորս մեկի համար, մեկը բոլորի համար» սկզբունքն է: Եվ գիտակցումը նրա, որ խելացի, բանիմաց աշակերտներ դաստիարակելուց զատ, կյանքի մարտահրավերները թելադրում են ակտիվ քաղաքացիներ աճեցնելու անհրաժեշտություն: Կյանքը փաստում է, որ հենց պետական լեզվի իմացությունն է տալիս ակտիվ քաղաքացի լինելու, հասարակական կյանքին լիարժեք մասնակցելու, քո դերը հասարակության մեջ գիտակցելու,

գործող օրենքներին եւ մարդկային քո իրավունքներին իրազեկ դառնալու հնարավորություն, ինչի շնորհիվ էլ կպաշտպանես քեզ, կհարգես դիմացինի իրավունքներն ու պատասխանատվություն կզգաս հասարակության նկատմամբ:

Ի դեպ, մեր երկիրը ոչ մի ջանք չի խնայում, որ կարողանանք լիարժեք տիրապետել պետական լեզվին, իրենց հերթին, այդ նպատակին են ծառայում նաեւ կրթական համակարգում իրականացվող մեզ հայտնի բոլոր վարժանքները, նախագծերը, տարբեր բովանդակության հանդիպումները: Ասենք նաեւ, որ մեր դպրոցի ղեկավար ու մանկավարժական ողջ անձնակազմը ակտիվ մասնակցում է նշված միջոցառումներին, եւ համոզված եմ՝ հենց դա է նախապայմանը նրա ներկայում գրանցած հաջողությունների: Երեւի, ամենահարմար առիթն է այդ ձեռքբերումների մասին բարձրաձայնելը:

...Այսօր Յեշտիայի թիվ 1 դպրոցի աշակերտների մեծամասնությունը, հասունության վկայական ստանալուց հետո, շարունակում է ուսումը Վրաստանի բարձրագույն հաստատություններում, ապա՝ կայունաճում մասնագիտական աշխատանքով... Մենք մշտապես մասնակցում ենք Վրաստանի կրթության, գիտության, մշակույթի ու սպորտի նախարարության կողմից հայտարարված մրցույթներին եւ հաճախ արժանանում հաղթանակների... Կրթօջախը համագործակցում է տեղական ինքնակառավարման մարմինների հետ, որոնք մեծ աջակցություն են ցուցաբերում նրա զարգացմանը... Դպրոցում աշխատում են փորձառու, հավաստագրված ուսուցիչներ, որոնք, բացի առարկայական ուսուցումից, երեխաներին սովորեցնում են նաեւ կյանքի կանոնները:

Մի խոսքով, մեր դպրոցի հաջողության գաղտնիքն այն է, որ մեզ համար գաղտնիք չկա, որ բոլոր մոռություններին, նախագծերին տեղեկացված ենք եւ հնարավոր դժվարությունները փորձում ենք հաղթահարել մեջք-մեջքի ու միասնական ուժերով:

ՋՈՒԼԻԵՏԱ ԲԱՂԱՅԱՆ

ԼՐԱՏՎԱՄԻՋՈՑ

ԼՈՒՍԻՆԵ ՎԱՐԴԱՆՅԱՆԸ՝ «ԱՐՇԱԼՈՒՅՍԻ»՝ ՆՈՐ ԽՄԲԱԳԻՐ

Նիոնոսմինդայի մունիցիպալիտետի «Արշալույս» թերթը նոր խմբագիր ունի: Պարբերականի բազմամյա խմբագիր Մանուկ Կարախանյանին փոխարինեց Լուսինե Վարդանյանը: Մասնագիտությամբ լրագրող է: Նիոնոսմինդայի թիվ 1 հայկական միջնակարգ դպրոցը գերազանց առաջադիմությամբ ավարտելուց հետո, սովորել է Երեւանի Խ.Արմվյանի անվան մանկավարժական համալսարանում, ավարտել նրա մշակույթի ֆակուլտետի լրագրության բաժնի մագիստրատուրան: Ուսանելու տարիներին մասնակցել է «Շանթ» հեռուստաընկերության կազմակերպած մրցույթներին հաղթող է ճանաչվել, վարել հեղինակային հաղորդումներ: 2010 թվականից աշխատում է «Արշալույս» թերթի խմբագրությունում՝ որպես լրագրող:



Հարուստ ավանդույթներով թերթ է «Արշալույսը»: Հրատարակվում է 1935 թվականից (նախկինում՝ «Ստալինյան ուղի», 1966 թվականից՝ «Արշալույս»): 1980-ական թվականներին նրա տպաքանակը հասնում էր 7 հազարի՝ հազվադեպ ցուցանալիզ գյուղական շրջանային թերթերի արակտիկայում: Թերթը հաղթող է ճանաչվել շրջանային մամուլի հանրապետական մրցույթներում, արժանացել դիպլոմների, պատվոգրերի: Շրջանի բազմաթիվ մտավորականներ իրենց ավանդն են դրել թերթի հարստացման գործում: Դրանցից էր նաեւ Լուսինեի պապը՝ Աղվան Վարդանյանը, ով թերթը խմբագրել է անցյալ դարի 50-ական թվականներին, եւ ում օրինակը թռանք մղել է ընտրելու լրագրողի դժվարին մասնագիտությունը:

- Կարծում եմ,- շեշտում է Լուսինե Վարդանյանը,- խմբագրի համար առաջնայինը պետք է լինի ընթերցողին գրագետ աշխատանք ներկայացնելը: Ցանկացած աշխատանքում կարելի է համդիպել դժվարությունների՝ կարեւորը դրանք ճիշտ ըմբռնելն ու հաղթահարելն է, եւ իհարկե, դրանցով սովորելը: Տեքստեր խմբագրելու հանդեպ սեր ձեւավորվել է դեռ ուսանողական տարիներից, երբ «հում» տեքստերը եմթարկում էինք ձեւաբանական, շարահյուսական, ոճական փոփոխությունների, ուղղումներ մտցնում, առաջարկում նոր տարբերակներ:

Հողի աշխատավորներ, մանկավարժներ, մշակույթի եւ առողջապահության բնագավառների աշխատողներ, մանր ու միջին ձեռնարկատերեր... Նրանք են «Արշալույսի» բաժանորդները: Եվ թեր-

թը ուշադրության կենտրոնում է պահում նրանց գործունեությունը՝ չմոռանալով առաջացած հիմնախնդիրները, դրանց լուծման հրամայականները: Խմբագրության հետ սերտ կապի մեջ են բանաստեղծներ, ճարտիվներ, արվեստի այլ բնագավառների ներկայացուցիչներ: Նիոնոսմինդայի երկարամյա հայալեզու «Արշալույս» թերթում լուսաբանվում են հիմնականում մունիցիպալիտետում տեղի ունեցող իրադարձությունները՝ ընթերցողին մատուցվում հասարակական, քաղաքական, տնտեսական, մշակութային եւ այլ ոլորտների շուրջ թեմաները, նաեւ երկրի կարեւոր անցուդարձերը:

- Ձանգվածային լրատվամիջոցների մեջ,- շարունակում է խմբագիրը,- այսօր տպագիր մամուլն ունի իր ուրույն տեղն ու դերը: Վստահ կարող եմ ասել, որ թերթը միշտ պահանջված կլինի, եթե անընդհատ թարմացվի նոր իդեաներով: Աշխատելու եմ նոր լիցք հաղորդել թերթին եւ ապահովել շարունակելիությունը: Ապագայի համար մտահղացումներս շատ են: Փոփոխությունների շեշտադրումը լինելու է թե՛ բովանդակության եւ թե՛ ձեւի վրա: Մեր թիմի նպատակը որակյալ, ճշգրիտ եւ բազմակողմանի լրատվություն մատուցելն ու ընթերցողների շրջանում միշտ պահանջված լինելն է:

ԳԵՎՈՐԳ ԱՅՎԱԶՅԱՆ
«Վրաստան» թերթը շնորհավորում է Լուսինեին «Արշալույս» թերթի խմբագիր նշանակվելու կապակցությամբ եւ մաղթում հաջողություններ: Միաժամանակ, հույս հայտնում, որ «Արշալույսի» եւ «Վրաստանի» միջեւ կծեւավորվի սերտ համագործակցություն:

COVID - 19

ԷԿԱՏԵՐԻՆԵ ՏԻԿԱՐԱԶԵ. «ՊԱՏՎԱՍՏՄԱՆ ՀԱՍԱՐ ՔԱՂԱՔԱՅԻՆԵՐԸ ԿԱՐՈՂ ԵՆ ԳՐԱՆՅՎԵԼ ՀԱՏՈՒԿ ԿԱՅՔ-ԷՋՈՒՄ



Վրաստանի առողջապահության նախարար Էկատերինե Տիկարաձեի հայտարարությամբ, քաղաքացիները պատվաստվելու ցանկության դեպքում կկարողանան գրանցվել հատուկ կայք-էջում:

Նրա խոսքով, պատվաստումների խորհուրդը կայացրեց կարելու որոշում՝ կապված վեր կայք-էջի ստեղծման հետ: - Այսօրվա որոշումը էապես կպաշտպանի մեր քաղաքացիների շահերը, նաեւ կընդլայնի նրանց ընտրությունը: Սա կայք-էջ է, որը կիրառարակվի առողջապահության նախարարության, ինչպես

էջի ստեղծման հետ:

- Այսօրվա որոշումը էապես կպաշտպանի մեր քաղաքացիների շահերը, նաեւ կընդլայնի նրանց ընտրությունը: Սա կայք-էջ է, որը կիրառարակվի առողջապահության նախարարության, ինչպես

COVID-19-Ի ԴԵՄ ԱՐԴԵՆ ՊԱՏՎԱՍՏՈՒՄ Է ԱՆՑԵԼ ՄՈՏ 16 ՀԱԶԱՐ ՔԱՂԱՔԱՑԻ

Ապրիլի 8-ի դրությամբ, Վրաստանում կորոնավիրուսի դեմ ընդհանուր հաշվով պատվաստվել է 15 693 մարդ: Վերջին 24 ժամվա ընթացքում համավարակի դեմ պատվաստվել է 1486 մարդ:

Վրաստանում պատվաստման գործընթացը մեկնարկեց մարտի 15-ից, բայց միայն բժշկական ոլորտի աշխատողների համար: Ավելի ուշ, պատվաստվողների

խումբն ընդլայնվեց, եւ պատվաստվել սկսեցին նաեւ 65 տարեկանից բարձր քաղաքացիները: Ապրիլի 5-ից պատվաստման համար կարող են գրանցվել նա-

ե 55 տարեկանից բարձր քաղաքացիներ: Պատվաստումն ընթացում է երկու՝ Pfizer եւ AstraZeneca տեսակի պատվաստանյութերով: Պատվաստման գործընթացն իրականացվում է կամավորական սկզբունքով: Պատվաստվելու համար նախապես պետք է գրանցվել:

ԱՄԻՐԱՆ ԳԱՄԴՐԵԼԻՁԵ. «ՀՆԱՐԱՎՈՐ Է՝ ՍԿՍՎԻ ՎԱՐԱԿԻ ՀԱՍԵՆԴԱՆՈՒՐ ՏԱՐԱԾՈՒՄ»

(Սկիզբը՝ 1-ին էջում)

- Կորոնավիրուսի տարածման օջախներ են ձևավորվել Սամեգրեթյում, Շիրա Քարթլիում եւ Գուրիայում, սա խոսում է այն մասին, որ հնարավոր է, երկրում վարակի համընդհանուր տարածում սկսվի.- հայտարարել է Գամդրելիձեն:

Հիվանդությունների վերահսկման ազգային կենտրոնի ղեկավարի խոսքով, այժմ առաջին հերթին, պետք է խստացվի առկա համեմարարականների կատարման վերահսկումը, եւ, եթե բնակչությունը

կատարի վարակաբանների պահանջները, խիստ սահմանափակումների կարիք չի լինի:

- Այսօր երկրում կա տասը կլաստեր, բոլոր կլաստերների համաճարակային պայթյունն սկսվել է հարսանիքներից ու հոգեհացերից,- ասաց Ամիրան Գամդրելիձեն եւ մեկ անգամ եւս հասարակությանը կոչ արեց զերծ մնալ մաման հավաքներից:

Միաժամանակ, Ամիրան Գամդրելիձեն մեկ անգամ եւս շեշտեց պատվաստումների անհրաժեշտությունը:

- Լրջորեն ակտիվացնենք

պատվաստումների գործընթացը: Այժմ երկրում կա պատվաստանյութերի ավելի քան 100 000 դոզա: Այսօր պատվաստվել է 1300-ից մի փոքր ավելի մարդ: Այս պահին մենք պետք է ապրիլ-մայիս ամիսներին ամեն օր պատվաստենք առնվազն 3000-4000 մարդու: Այսօր հայտարարվեց, որ նախատեսվում է ընդլայնել պատվաստումը ամենախոցելի խմբի՝ քրոնիկ հիվանդություններ ունեցող մարդկանց համար, բայց մարդիկ չեն գնում պատվաստվելու,- ասաց Ամիրան Գամդրելիձեն:

խորագիրը պատրաստեց ՄԻՄՆ ԿԵԼԱԶԵՆ

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ՄՈՏԵՆՈՒՄ Է 134 ՄԻԼԻՈՆԻՆ

COVID-19-ի հաստատված դեպքերի թիվն աշխարհում անցել է 133 727 564 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 2 901 775 հազարը: Ապաքինվել է 107 միլիոն 843 909 մարդ:

Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 31 637 243 դեպք: Այստեղ մահացածների թիվը 572 849 է, երկրորդ տեղում Բրազիլիան է, որտեղ հաստատված դեպքերի թիվը հասել է 13 197 031-ի, մահացածներինը՝ 341 097-ի:

Վարակվածների թվով հաջորդ տեղում Չինաստանն է: Այստեղ վարակվել է 12 928 574, մահացել է 166 892 մարդ: Ֆրանսիայում կորոնավիրուսով վարակվել է 4 841 308, վարակի հետեւանքով մահացել է 97 722 մարդ: Ֆրանսիային հաջորդում են Ռուսաստանը, Մեծ Բրիտանիան, Իտալիան, Թուրքիան, Իսպանիան ու Գերմանիան:

Հայաստանում, ընդհանուր առմամբ, վարակվածների թիվը

հասնում է 200 129-ի, մահացածներից՝ 3 675-ի, ապաքինվածներից՝ 179 043-ի:

Աղբյուրներում վարակվածների թիվը կազմում է 276 464 մարդ: Վարակից մահացել է 3 780, ապաքինվել՝ 244 540 մարդ:

Վրաստանում, վերջին տվյալներով, վարակվել է 286 406, մահացել՝ 3 849, ապաքինվել՝ 276 084 մարդ:

Ապրիլի 8-ին կորոնավիրուսով վարակման 761 նոր դեպքերից 434-ը Թբիլիսիում է, Աջարիայում 67, Իմերեթիում 59, Քվեմո Քարթլիում 20, Շիրա Քարթլիում 24, Գուրիայում 33, Սամեգրեթ-Չենո Սվանեթիում 77, Կախեթիում 19, Սցխեթա-Սքիանեթիում 23, Ռաճա-Լեչխումիում եւ Քվեմո Սվանեթիում 3, Սամցխե-Ջավախեթիում 2:

ԿՈՐՈՆԱՎԻՐՈՒՄ Է ՀԱՅՏՆԱԲԵՐՎԵԼ ԵՐԿՐԻ ՎԱՐՉԱՊԵՏԻ ՄՈՏ, ԻՍԿ ՆԱԽԱԳԱՀԸ՝ ԻՆՔՆԱՄԵԿՈՒՄԱՅՎԵԼ Է

Վրաստանի վարչապետ Իրակլի Դարիբաշվիլու մոտ կորոնավիրուս է հաստատվել: Այս մասին վարչապետը գրել է իր ֆեյսբուքյան պաշտոնական էջում: «Թեստի արդյունքում, ինձ մոտ հաստատվել է կորոնավիրուս: Ինձ լավ են զգում, գտնվում եմ ինքնամեկուսացման մեջ եւ աշխատանքը կշարունակեմ հեռավար ռեժիմով», - գրել է Իրակլի Դարիբաշվիլին: * * *

Վրաստանի նախագահի աշխատակազմի տարածած հա-

ղորդագրության համաձայն, Սալոմե Ջուրաբիշվիլին գտնվում է ինքնամեկուսացման ռեժիմում:

«Ռիսկերից խուսափելու համար Վրաստանի նախագահը ինքնամեկուսացվել է, չնայած, որ նա արդեն պատվաստվել է Covid-19 պատվաստանյութի առաջին դեղաչափով:

Այս գործընթացին զուգահեռ, նախագահը թեստավորվում է «ՊՇՌ» մեթոդով, համաձայն գործող արձանագրության», - ասված է հայտարարության մեջ:

ԽԱՐԱԳՐՈՒԹՅԱՆ ՓՈՍՏԻՑ

ԱՅՍ ՀՐԱՇԱԳՈՐԾ ԿՏԱՎԱՏԸ

Հարգելի խմբագրություն.

Մանկության տարիներին հաճախ էի տեսնում, որ տատիկս ինչ-որ բույս էլ ձեռք էր օգտագործում տարբեր հիվանդությունների առիթներով եւ ուրիշներին էլ խորհուրդ էր տալիս օգտվել դրանցից: Երբ դպրոցական էի, մի անգամ մորս հարցրեցի այդ մասին: Մայրս պատասխանեց, որ դա կտավատ կոչված բույսն է, որից շատ արժեքավոր ձեռք են ստանում, որը մենք ձեռք էինք բերում Հայաստանի Գյումրի քաղաքի Կոլտնտեսային շուկայից: Խնդրում եմ, եթե հնարավոր է, ավելի մանրամասն տեղեկություններ հաղորդեք կտավատի մասին:

Ժ.ԽԱՆԲԵԿՅԱՆ
Կենսաբոլակառու

Բ.ԹԵՐԻԽՍԻ

Չոր տատիկը, իրոք, ճիշտ է վարվել՝ օգտագործելով այդ բույսը եւ նրանից ստացվող ձեռք: Օգտվելով մեր թերթի հնարավորություններից՝ փորձենք ավելի մանրամասն պատմել կտավատի եւ նրա ձեռքի մասին:

Կտավատը, վուշը, քունջութը, կտավատագինների ընտանիքի միանյա եւ բազմանյա խոտաբույսերի, հազվադեպ կիսաթփերի ցեղին պատկանող բույսեր են: Աշխարհում հայտնի են դրանցից ավելի քան 200-230 տեսակ: Կտավատի սերմի ծննդավայրը Չինաստանն է: Մ.թ.ա. 4-5 հազար տարի այդ բույսը հայտնի է եղել նաեւ Եգիպտոսում, Միջագետքում, Հա-

յաստանում, այժմ նաեւ Վրաստանում: Կտավատը թելատու եւ ձիթատու բույս է, ունի մինչեւ 50սմ բարձրություն, կապույտ, երկնագույն, վարդագույն, կարմիր, դեղին եւ սպիտակ ծաղիկներով: Մասնագետների կարծիքով, կտավատի ձեռքն առհասարակ ձեռքերի մեջ ամենաօգտակարն է: Այն պարունակում է մեծ քանակությամբ ճարպաթուրներ՝ օմեգա 3, օմեգա 6, օմեգա 9, որոնք օրգանիզմին անհրաժեշտ են առողջությունը եւ երիտասարդությունը պահպանելու համար: Կտավատի ձեռք բարձրացնում է իմունիտետը: Լավացնում է մազերի, եղունգների եւ մաշկի որակը:

Մեր նախնիները դեռեւս հին ժամանակներում կտավատի սերմերն ու ձեռքն օգտագործում էին սննդի մեջ, բայց մեր օրերում այն որպես արժեքավոր դեղաբույս, արդեն կորցրել էր իր նշանակությունը: Կտավատի սերմերը դեռեւս հնագույն ժամանակներից հայտնի էին իրենց օգտակար հատկություններով: Կտավատը ե՛լ դեղ է, ե՛լ դիետիկ մթերք, ե՛լ անփոխարինելի կոսմետիկ միջոց: Բույսի սերմերը պարունակում են հակաօքսիդանտներ, վիտամիններ՝ A,E,B, հանքային նյութեր: Իրենց մեջ ունեն բանահից 7 անգամ ավելի կալիում: Չհագեցված ճարպերը եւ F վիտամինը, որոնցով եւս հարուստ է կտավատը, նպաստում են արյան մեջ խոլեստերինի մակարդակի եւ արյան բարձր ճնշման իջեցմանը: Սերմերում պարունակող բջջանյութերը նվա-

զեցնում են քաղցկեղով հիվանդանալու ռիսկը՝ իր մեջ ներծծելով աղիների վնասակար նյութերը:

Կտավատի սերմերի մեջ պարունակվող մեծ խտությամբ լիզնանն օժտված է ուժեղ հակաօքսիդանտային, հակաքաղցկեղային եւ հակաալերգենային հատկություններով: Ինչպես սերմերը, այնպես էլ ձեռքը օգտագործում են աթերոսկլերոզի, ինսուլտի, ինֆարկտի, թրոմբոզների եւ սիրտ-անոթային համակարգի այլ հիվանդությունների կանխարգելման ժամանակ: Լավ միջոց են նաեւ շաքարախտի կանխարգելման եւ բուժման համար: Կտավատի սերմերի եփուկը ոչնչացնում է բուլոր տեսակի մակաբույծներին: Անգնահատելի է նրանց դերը գաստրիտի եւ ստամոքսի խոցի բուժման ժամանակ: Սերմերը օգտագործում են նաեւ նիհարելու նպատակով: Նրանք սննդի մեջ պարբերաբար գործածելիս՝ թեթեւացնում են ալերգիկ հիվանդությունների ընթացքը, նորմալացնում հորմոնային հավասարակշռությունը կանանց օրգանիզմում: Այս եփուկով բուժում են նաեւ այրվածքները, բերանի խոռոչի եւ կոկորդի զանազան բորբոքումները, այն փափկացնում է նաեւ չոր հազը: Կիրառվում են նաեւ ցիստիտի, երիկամների, լյարդի, վահանագեղձի եւ ստամոքսաղիքային ուղու աշխատանքը: Սերմերն օժտված են նաեւ երիտասարդացնող ու հակամամրեային հատկությամբ: Այն թուրմի ձեւով օգտագործվում է նաեւ որպես



խորխաբեր, լուծողական եւ հակաբորբոքային միջոց: Պետք է օգտագործել օրական 1 ճաշի գդալ՝ ավելացնելով սննդին, օրինակ՝ շիլաներին, աղցաններին եւ շոգեխաշած բանջարեղենին: Իհարկե, սերմերը պետք է օգտագործել աղացած վիճակում, որովհետեւ այս դեպքում միայն դրանք կտան դրական արդյունք: Չմանրացրած սերմերը ինչպես մտնում են օրգանիզմ, այնպես էլ դուրս են գալիս՝ օգուտ չբերելով օրգանիզմին:

Կտավատի սերմերն օգտագործում են նաեւ հացաբուլկեղենի, դրանցից ստացված ձեռք յուղաներկերի արտադրության մեջ, սերմերից ստացված քուսպը ավելացվում է անասնակերին:

Նշենք նաեւ, որ չնայած զարմանալի օգտակար հատկություններին՝ խորհուրդ չի տրվում կտավատի ձեռքն օգտագործել ստամոքսի սուր հիվանդությունների, խոլեստիտի, քրոնիկ պանկրեատիտի, լեղաքարային հիվանդության դեպքում:

ԱՆՆԱ ՍԱՐԻԲԵԿՅԱՆ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՓԱՇԻՆՅԱՆ-ՊՈՒՏԻՆ ԶԱՆԴԻՊՄԱՆԸ ՔՆՆԱՐԿՎԵՑԻՆ ԵՐԿԿՈՂՍ ՈԱԶՄԱՎԱՐԱԿԱՆ ԶԱՐԱԲԵՐՈՒԹՅՈՒՆՆԵՐԻՆ ԱՌՆՉՎՈՂ ԶԱՐՑԵՐ

Ապրիլի 7-ին Հայաստանի վարչապետ Նիկոլ Փաշինյանն աշխատանքային այցով գտնվում էր Մոսկվայում: Նա համոզված էր, որ Ռուսաստանի նախագահ Վլադիմիր Պուտինի հետ:

Հանդիպմանը կողմնորոշված քննարկեցին Լեռնային Ղարաբաղի եւ նրա շուրջ իրավիճակի կարգավորմանը, հայ-ռուսական ռազմավարական հարաբերություններին առնչվող հարցեր, ընդգծեցին երկկողմ տնտեսական համագործակցության ակտիվացման կարելիությունները, կանխագծեցին կորոնավիրուսի համավարակի հետ կապված համագործակցության շրջանակները:

Հանդիպմանը Վլադիմիր Պուտինը Նիկոլ Փաշինյանին վստահեցրեց, որ կորոնավիրուսային համավարակի պատճառով պակասած ապրանքաշրջանառության ծավալները կվերականգնվեն: Անդրադարձնելով հետպատերազմյան իրավիճակում առեւտրատնտեսական եւ տրանսպորտային կապերի բացման հետ կապված հարցերին, ըստ Պուտինի, Հայաստանը կստանա նոր հնարավորություն երկրի զարգացման համար:

Մոսկվա կատարած աշխատանքա-

յին այցի շրջանակներում, Հայաստանի վարչապետը «Հայ իրավաբանների ասոցիացիա» մի քանի տասնյակ անդամների հետ հանդիպմանը բարձր գնահատեց Ռուսաստանի նախագահ Վլադիմիր Պուտինի հետ համոզումը՝ նշելով, որ երեքուկես ժամվա ընթացքում գործնականում քննարկել են օրակարգի բոլոր հարցերն ու նրբությունները:

- Կարող եմ ասել, որ ընդհանուր առմամբ շատ գոհ եմ հանդիպման արդյունքներից: Իհարկե, ՌԴ նախագահի հետ շատ բաց հարաբերություններ են հաստատված, մասնավոր՝ վերջին ամիսներին հարաբերություններն իրենց բնույթով անմիջական են դարձել: Այսօր էլ քննարկեցինք մեր երկ-



կողմ օրակարգի բոլոր հարցերը, անդրադարձանք տարածաշրջանային, նույնիսկ միջազգային հարաբերությունների հարցերին:

Հանդիպումն անցավ արդյունավետ, փաստաթուղթ չենք ստորագրել, բայց խոսել ենք մի շարք փաստաթղթերի, այդ թվում՝ անվտանգային ոլորտի, նախկինում ստորագրված փաստաթղթերի հետագա իրագործման մասին,- հայտարարեց Հայաստանի վարչապետը:

ՀԱՅԱՍՏԱՆԸ ՍՏԱՑԱՎ ՌՈՒՍԱԿԱՆ «SPUTNIK V» ՊԱՏՎԱՍՏԱՆՅՈՒԹԻ ԱՌԱՋԻՆ ԽՄԲԱՔԱՆԱԿԸ

Հայաստան է բերվել ռուսական «Sputnik V» պատվաստանյութի առաջին խմբաքանակը, Մոսկվայից եկած ինքնաթիռը երեւան է ժամանել ապրիլի լույս 8-ի գիշերը:

Նշենք, որ Հայաստանի վարչապետ Նիկոլ Փաշինյանի եւ ՌԴ նախագահ Վլադիմիր Պուտինի՝ ապրիլի 7-ին Մոսկվայում կայացած հանդիպմանն անդրադարձ է կատարվել Հայաստանի կողմից Covid-19-ի դեմ «Sputnik V» պատ-

վաստանյութի ձեռքբերմանը. պատրաստականություն է հայտնվել խորությամբ քննարկելու հարցն ու լուծումներ գտնելու անհրաժեշտ չափաքանակի մատակարարման հարցում: Վարչապետ Փաշինյանը նշել է, որ ապրիլի 8-ին Հա-

յաստանը կստանա ռուսական պատվաստանյութի առաջին խմբաքանակը՝ 15 հազար դեղաչափ:

Հայաստանում կորոնավիրուսի դեմ պայքարին միացած բուժկենտրոնների բուժաշխատողների շրջանում կամավորության սկզբունքով կորոնավիրուսի դեմ պատվաստում է իրականացվել Ռուսաստանի նվիրած «Sputnik V» պատվաստանյութերով:

ՊԱՏՎԱՍՏԱՆՅՈՒԹԵՐԻ ՆԿԱՏԱՄԲ ՇԵՏԱՔՐՔՐՈՒԹՅՈՒՆԸ ԲԱՎԱԿԱՆ ՄԵԾ Է



Հայաստանի առողջապահության նախարար Անահիտ Ավանեսյանը հայտարարեց, որ ինչպես AstraZeneca-ի պատվաստանյութը, ռուսական «Սպուտնիկ V» եւս կիրառվելու է ռիսկի խմբերի պատվաստման համար:

- Նախապատվությունը տրվելու է կովիդ-կենտրոնների բուժաշխատողներին, քրոնիկ հիվանդություններով բուժառուներին եւ 65-ից բարձր

Ավանեսյանի խոսքով, չնայած այն փաստին, որ բոլոր պատվաստանյութերն այսօր փոքր խմբաքանակներով են վաճառվում երկրներին, եւ դրանք շատ բարդ է ձեռք բերել, պետությունն ամեն ինչ անում է, որ մարդկանց այլ խմբեր եւս կարողանան ներառվել պատվաստման գործընթաց:

- Սակայն այս պահի դրությամբ, նույնիսկ զարգացած երկրներում պատվաստում են առաջին հերթին ռիսկի խմբերի ներկայացուցիչներին,- նկատեց նախարարը:

մարդկանց»,- ասաց նախարարը:

ՀԱՅԱՍՏԱՆԸ ՎԱՎԵՐԱՅՐԵՅ ՄԱՀԱՊԱՏԺԻ ՎԵՐԱՅՄԱՆ ԱՐՁԱՆԱԳՐՈՒԹՅՈՒՆԸ

Եվրամիությունը ողջունել է Հայաստանի կողմից 1989 թվականի դեկտեմբերի 15-ին ստորագրված «Քաղաքացիական եւ քաղաքական իրավունքների մասին» միջազգային դաշնագրի՝ մասնավորապես վերացմանն ուղղված երկրորդ կամընտիր արձանագրության վավերացման փաստը: Հայաստանն արձանագրությունը վավերացրած 89-րդ երկիրն է:

Հիշեցնենք, որ Հայաստանի կառավարությունը 2019 թվականի սեպտեմբերի 5-ին հավանություն էր տվել «Քաղաքացիական եւ քաղաքական իրավունքների մասին» միջազգային դաշնագրի՝ մասնավորապես վերացմանն ուղղ-

ված երկրորդ կամընտիր արձանագրության ստորագրման առաջարկությանը: Համապատասխան օրենքն Ազգային ժողովի կողմից ընդունվել է 2021 թվականի հունվարի 19-ին, ուժի մեջ է մտել փետրվարի 10-ին, նախագահ Ար-

մեն Սարգսյանի կողմից ստորագրվելու հաջորդ օրը:

Մասնավորապես վերացմանն ուղղված երկրորդ կամընտիր արձանագրությանը ամրագրվում է, որ արձանագրության կողմ պետության իրավասության տակ գտնվող ոչ մի անձ չպետք է ենթարկվի մասնավորապես, եւ յուրաքանչյուր կողմ պետություն ձեռնարկում է բոլոր անհրաժեշտ միջոցներն իր իրավասության շրջանակներում մասնավորապես վերացնելու համար:

905 848 ԴԱՍԱԳԻՐՔ՝ ՊԵՏԱԿԱՆ ԲՅՈՒՋԵԻ ՄԻՋՈՑՆԵՐՈՎ

Հայաստանի կրթության, գիտության, մշակույթի եւ սպորտի նախարարի հրամանով, հաստատվել է «Հայաստանի Հանրապետության 2021 թվականի պետական բյուջեի մասին» օրենքի բյուջետային ծախսերի «Կրթական հաստատությունների աշակերտներին դասագրքերով ու ուսումնական զրականությանը ապահովում» միջոցառման շրջանակում դասագրքերի ձեռքբերման ցանկը:

Ըստ այդմ, հաստատվել են տարրական դասարանների 38 անուն դասագիրք, վարժությունների եւ աշխատանքային տետրեր: Նախարարի հրամանով, հաստատվել է նաեւ ազգային փոքրամասնությունների համար նախատեսված 10 անուն դասագիրք, մասնավորապես՝ «Եզդերեն այբբենարան», «Քրդերեն այբբենարան», «Եզդի գրականություն», «Եզդերեն» եւ «Քրդերեն»:

Ընդհանուր առմամբ, ձեռք կբերվի 905 848 դասագիրք, վարժությունների եւ աշխատանքային տետրեր, որոնց տարեկան գումարը կազմում է 919 170 109 դրամ:

Դասագրքերը տպագրվելու են «Էդիթ Պրինտ», «ՄԱՆՄԱՐ», «Արեւիկ իրատարակչություն», «Չանգակ-97», «Տիգրան Մեծ», «Աստղիկ գրատուն», «ՍՊԻԿԱ» իրատարակչությունները եւ «Հայաստանի շախմատի ակադեմիա» հիմնադրամը:

ԱՊՐԻԼԻ 7-Ը՝ ՄԱՅՐՈՒԹՅԱՆ ՈՒ ԳԵՂԵՅԿՈՒԹՅԱՆ ՏՈՒ

Ապրիլի 7-ին Հայաստանում նշվում է Մայրության ու գեղեցկության օրը: Ըստ Հայ Առաքելական եկեղեցու պոնապույցի, ապրիլի 7-ը Սուրբ Աստվածածնի Ավետման օրն է: 1995 թվականից ապրիլի 7-ը ներառվել է ազգային պոնապույցում: Ապրիլի 7-ին բոլոր եկեղեցիներում Սուրբ պատարագ է մատուցվում, որպես մայրերի եւ մայրության բերկրանքին սպասող կանանց օրհնության օր:

ԱՅԵԼ ԵՆ ՀԱՅԱՍՏԱՆԻՑ ԱՐՏԱՆՏԵՍԱՆ ՏԱՎԱՆԵՐԸ

Հայաստանի հունվար-փետրվարին Հայաստանից արտահանման ծավալը 2020-ի նույն ժամանակի համեմատ, նվազել է 5.5 տոկոսով՝ կազմելով 354 մլն 394.2 հազար դոլար, սակայն առանցքին երկրներ եւ հատկապես ԵԱՏՄ երկրներ արտահանման ծավալը շարունակել է աճել:

Հայաստանի վիճակագրական կոմիտեի տվյալներով, արտահանման ծավալներում ամենամեծ մասը բաժին է ընկնում հեմե ԵԱՏՄ երկրներին, որպեսզ արտահանվել է 102 մլն 082.8 հազար դոլարի ապրանք: Ընդ որում, նախորդ տարվա նկատմամբ այն ավելի է 2.5 տոկոսով: Դեպի Ռուսաստան արտահանումն աճել է 2.2 տոկոսով՝ կազմելով 98 մլն 100.2 հազար դոլար: ԵՄ երկրներից արտահանման ծավալների անկում է գրանցվել դեպի Բելգիա, Բուլղարիա, Իտալիա, Իսպանիա: Փոխարենը էականորեն՝ 20 տոկոսով, աճել է արտահանումը դեպի Գերմանիա՝ կազմելով 11 մլն 578.7 հազար դոլար, ավելի քան 46 տոկոսով աճել է դեպի Լեհաստան արտահանումը՝ կազմելով 2 մլն 61.3 հազար դոլար եւ այլն:

2021-ի հունվար-փետրվարին Միացյալ Նահանգներ արտահանման ծավալը, նախորդ տարվա նույն ժամանակահատվածի համեմատ, եւս աճել է 34 տոկոսով՝ կազմելով 15 մլն 338.7 հազար դոլար: Դեպի Չինաստան արտահանումը աճել է 3.4 անգամ եւ կազմել 54 մլն 564.4 հազար դոլար:

ՀԱՄԱՆԵՐՈՒՄ՝ ՉՈՐԱԿՈՅԻՑ ԽՈՒՍՏՈՒՄԸ ՄԵՁԱՆԵՆ ՆԿԱՏԱՄԲ

«Ժամկետային զինվորական կամ այլընտրանքային ծառայության հերթական զորակոչից, վարժական հավաքից կամ զորահավաքային զորակոչից խուսափած անչանց նկատմամբ համաճարակային հայտարարվելու մասին» օրենքի նախագիծն արժանապատիվ Հայաստանի կառավարության հավանությանը: Նախագծով առաջարկվում է համաճարակային հայտարարել մինչեւ 2020 թվականի սեպտեմբերի 26-ը ներառյալ (մինչեւ Ադրբեջանի Հանրապետության կողմից պատերազմի սանյազերծումը) 27 տարին լրացած շարքային եւ 35 տարին լրացած պահեստազորի սպայական կազմերի համար: Նախագիծն արժանապատիվ Հայաստանի կառավարության հավանությանը, ինչպես նաեւ հայտարարված վարժական հավաքից եւ/կամ զորահավաքային զորակոչից խուսափած եւ Հայաստանի Հանրապետության քրեական օրենսգրքի միայն 327-րդ հոդվածի 1-ին մասով նախատեսված հանցագործություն կատարելու մեջ կասկածվող, մեղադրվող կամ դատապարտված անչանց նկատմամբ:

Մասնավորապես, նախագծով առաջարկվում է համաճարակային հայտարարելով՝ պատժից ազատել այն անչանց, ովքեր դատապարտվել են ազատությունից զրկելու հետ կապված պատժի, որոնց նկատմամբ պատժի պայմանականորեն չի կիրառվել, կամ պատժի կրումը հետաձգվել է, որոնք դատապարտվել են ազատությունից զրկելու հետ չկապված պատժի: Հայաստանի Հանրապետության կառավարության օրենսդրական նախաձեռնությունը համարվեց անհետաձգելի եւ սահմանված կարգով կնքվեց Վարչապետի Հայաստանի Հանրապետության Ազգային ժողով:

ԵԿԵՂԵՑԱԿԱՆ

ԱՊՐԻԼ

11.04.2021 Կրկնազատիկ (Նոր
Կիրակի)

Կրկնազատիկ է կոչվում երեք պատճառներով:

«Ձառիկ» նշանակում է ազատություն, եւ այդ օրը կրկնակի ազատության օր է: Աստված մեզ ազատել է մեղքերից, սակայն մենք զոնվում ենք կրքերի ազդեցության ներքո: Իսկ երբ Աստված ամեն ինչ նոր է անում եւ բոլոր կարիքներից մեզ ազա-հրկնազատիկ: Կրկնազատիկ է սն պատճառով: Քրիստոս առա-հարություն տվեց Իր հոգով ու լորդո կիրակի օրը մեզ հարու-րնմի եւ, մեռելներից հարություն սահանք: Նոր կիրակի եւ Կրկ-բանգի նորովի ենք տոնում մեր վանկատիքը՝ հոգեւոր ուրախու-թյամբ:

ԳԼԱՅԱՏՈՒՄ

ՄԱՐԱԴՈՆԱՅԻ ԱՆՈՒՆՈՎ ԿՈՉՎԵՑ
ՆԵԱՊՈԼԻ ՄԱՐԶԱԴԱՇՏԸ

Իտալիայի Նե-
ապոլ քաղաքի քա-
ղաքապետարանի
որոշմամբ, տեղի
«Սան Պաուլո»
ֆուտբոլային խա-
ղաղաշտին շնորհի-
վեց անցած տա-
րիներին «Նեա-
պոլ» ակումբի կա-
ցած ֆուտբոլի լե-
2020) անունը:



Ներառվող քաղաքապետարանի այս նախաձեռնությունը լայն հավանության արժանացավ, որին հետևեց համաշխարհային ֆուտբոլի պատմության մեջ անցնելի հետք թողեց, լեգենդար Պելեի անունով Բուենոս Այրեսի համրահայտ «Մարականա» խաղադաշտն անվանելու որոշումը: Բրազիլիայի Ռիո Նաևոգի օրենսդիր մարմնի այս որոշումը հարգանքի տուրք է ներկայարար ֆուտբոլիստին, աշխարհի միակ եռակի չեմպիոնին:

ՄԱՐԶԱԿԱՆ

ԼԱՐԻՍԱՅԻ ՀԱԶՈՂՈՒԹՅՈՒՆԸ, ԻՀԱՐԿԵ, ԲՈԼՈՐԻՆՆ Է



Արտերկրում ապրող մեր հայրենակիցների հաջողություններով ու նվաճումներով, իհարկե, ուրախանում ու հպարտանում ենք մաեւ մենք: Նրանք բարձր են պահում իրենց ծննդավայրի անունն ու պատիվը: Այս անգամ ուրախալի լուրը Ռուսաստանի Դաշնությանից է: 14-ամյա աղջնակը հասել է լուրջ հաջողությունների սպորտի բնագավառում:

Եւ «ղեղին» գոտու: Հայրը նույնպէս սպորտսմէն է, լավ մարզիչ: Նրա սաները նույնպէս դարձել են անվանի մարզիկներ: Տանը հայրն է պարապում Լարիսայի հետ:

Կոնսակտային կարատեի ժամանակի սղությունը չի խանգարում նրան լավ սովորել նաև դպրոցում: Առաջադեմ է հատկապես «Նկարչություն» եւ «Օտար լեզու: անգլերեն» առարկաներից: Ջավախքյան ոգով դաստիարակված աղջնակը նաև շատ հայրենասեր է: Երազում է ապրել հայրենիքում: Երբ մահաբեր հարցում են, թե՞ որտեղի՞ց են, նա պատասխանում է Փարվանա լճի ափերից, Փոկալի:

Սկիզբը խոստումնալից է: Համոզված ենք, որ հետագայում եւս Լարիսան բարձր կպահի հայրենիքի ու իր գյուղի պատիվը: Ցանկանում ենք նրան նորանոր ձեռքբերումներ ու նվաճումներ:

ՍԱՀԱԿ ՄԱԴՈՅԱՆ

Փոկա գյուղի հանրային դպրոցի տնօրեն
Նինոծմինդայի մունիցիպալիտետ

**«VIP ՍՈՖԻԱՆ» ՉՈՐՐՈՐԴ ԱՆԳԱՄ ԴԱՐՁԱՎ
ՓԵՏՐԱԳՆԴԱԿԻ ՎՐԱՍՏԱՆԻ ԳԱՎԱԹԻ ԳԱՎԱԹԱԿԻՐ**

Մարտի 27-28-ը թբիլիսիում անցկացվեց փետրագնդակի մարզաձևում Կրաստանի գավաթի խաղարկությունը, որին մասնակցեցին Քուբայիսիի, Բաթումիի, Մցխեթայի, Ռիանոբիի, Կուրջաանիի թիմերը եւ թբիլիսիի «VIP ՄՖԽ», «Ջեռ-վետերան», «Արծիվի-147» եւ «Իմեդի» ակումբները:

Վրաստանի մշակույթի, սպորտի եւ երիտասարդության հարցերով նախարարության աշակցությանը ու ֆինանսավորմամբ անցկացված մրցաշարը կազմակերպել էր Վրաստանի փետրագնդակի ազգային ֆեդերացիան (նախագահի թիմաթիմ Բաթիշաշիլի):

Երկօրյա մրցաշարուն արդեն չորրորդ անգամ երկրի գավաթակիր դարձավ «VIP Սոֆիան» (մարզիչ՝ Սոնյա Վարդանյան): Հաղթող թիմի կազմում էին Գրիգուլ Նալգրանյանը, Պավլիկ

Փիլթոյանը, Մարիա Խաչատրյանը եւ Մարինա Յովսէփյանը:

Թիմային հաշվարկում երկրորդ տեղը գրավեց «Ջեռվե տերան» ակումբը (մարզիչ՝ Վաղին Սարգսյան), երրորդը՝ Քուբայիսիի թիմն էր, իսկ չոր-



րոդը՝ Բաթումիի հավաքականը:

«Վրաստան»

[illegible]

tv u 2 f u n

ՀՈՐԻԶՈՆԱԿԱՆ. 1.Թբիլիսիի ֆուտբոլային ակումբը: 6.Վերածննդի դարաշրջանի իտալացի նկարիչ: 11.Իսպանացի բանաստեղծ, դրամատուրգ: 12.Արդյունաբերական քաղաք Սյունիքի մարզում: 13.Կարծիք, տեսակետ, հիմունք: 14.ՂԱդայանի հեքիաթներից «...-Ջրանգի»: 16.Հետադաս կապ: 17.Համադասական շաղկապ: 18.Ծովային կակղամորթ: 20.Խոսք, բառ: 21.Դեղձաչիր: 23.Ծովափնյա քաղաք Աբխազիայում: 26.Անձնական դերանուն (Սեռ. հոլ.): 28.Քանդակագործ ... Շիրաք: 29.Կրացուհու անուն: 31.Ատամների հիմքը: 33.Լիբանան-բրիտանացի հայտնի իրավաբան ... Քլունի: 34.Ցուցական դերանուն: 36.Հայ գուսան: 38.Լվացքի հեղուկ: 39.Ե՛վ ջրանցք, ե՛ն նեղուց, ե՛ն գլխարկ: 42.Բառի վերջավորություն: 43.Լատինասաներիկյան պար: 44.Քաղաք Նիդերլանդներում: 47.Կապե ջրաման: 48.Հեռախոսի ...: 50.«... տեսաք իմ բալիկին» (Ավ.Իսահակյան): 52.Պակասություն, թերություն: 54.Հաստատյան հեռուստաընկերություն: 46.Հ.Շիրազի պոեմներից «Մոկաց ...»: 57.Պ.Սեւակ «Եվ ... Մաշտոց մի անուն»: 58.Գայլի ձայնը: 59.Գազանների խումբ: 60.Վառարանի մաս, քուրա:

ՈՒՂՂԱՀԱՅՈՒՄ. 2. Ասիական պետություն: 3. Գետ
Վրաստանում: 4. Կոմիտասի ստեղծագործություն:

Երեքի «... Սիրզա»: 5.Ստորադասական շաղկապ: 6.Ձայնասփյուռ (լատ. ճառագայթում): 7.Գերմանացի բանաստեղծ Գյոթեի ստեղծագործություններից: 8.Հայտնի եկեղեցի Գյունրիուս (տեղ.): 9.Առողջարանային ավան Կրաստանում: 10.Ֆրանսիացի կոմպոզիտոր Սեն-Սամսի օպերաներից «Սամսոն եւ ...»: 15.Գետ եւ ջրվեժ Հյուսիսային Ամերիկայում: 17.Ուտեկի պտուղը, միրգ: 19.Ս.Փառջյանովի ֆիլմներից «... բերդը»: 20.«... գեղեցիկ, առաքինի ընկերը մարդու» Կարծախում ծնված աշուղ Ջիվանու երգերից: 22.Լեռ Հայաստանում: 24.Խոհանոցային պարագա: 25.Ծովափնյա քաղաք Թուրքիայում: 27.Վ.Սիրաբյանի պոեմը «Լալվարի ...ը»: 30.Իգական անուն: 32.Հայաքնակ գյուղ Կրաստանի Ասպինձայի շրջանում: 35.Բագրատունիների մայրաքաղաքը: 37.Կրաք թագուհի: 40.Ասեկիք, արժեքավոր խոսք: 41.Րաֆֆու վեպերից: 44.Ղ.Ալիշանի բանաստեղծություններից: 45.Գուսան Հայկազունի երգերից: 46.Հայերենի առաջին ուսուցիչը: 49.Թատրոնի եւ կինոյի հանրահայտ դերասանուհի, ՀՀ վաստակավոր արտիստ: 51.Բերդ, պաշտպանական կառույց: 55.Քաղաք Ֆրանսիա-

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Վաղահաս: 9.Ոչ-ոքի: 10.Կոճղ: 11.Պոմիդոր: 13.Մցխեթ: 16.Գոր: 17.Բուխ: 19.Ռոմեն: 22.Դու-
ման: 24.Սինենյան: 25.Թապա: 27.Ցունամի: 29.Մոնիկա: 32.Դրակուլա: 33.Պոբեդա: 35.Գեբը: 37.Վես: 39.Ջանգու:
40.Անան: 43.Դոդ: 44.Սալի: 47.Արե: 49.Դիվան: 50.Ավիա: 53.Չամա: 54.ԱՄՆ: 55.Սղաղ: 57.Նե: 58.Շամբուս:
ՈՐԴՆԱԶՄԱՅՈՒՆ. 1.Մազզո: 2.Ծարիր: 3.Հակոբ: 4.Հոլմ: 5.հորխ: 6.Կիրթ: 8.Սորուն: 12.Մորմ: 14.Ցրոն: 15.Եղեն:
18.հանա: 19.Ռիթը: 20.Մերիլենը: 21.Նամա: 23.Աքանան: 26.Ալիա: 28.Ուլշ: 29.Մաղ: 30.Նուգա: 31.Կարգոլ:
34.Բեռլին: 36.Բուլ: 38.Սար: 41.Նամա: 42.Ռեսմի: 45.Սղա: 46.Իվան: 48.Սիան: 51.Աղ: 52.Ուրդ: 56.Առ:

ԳԼԽԱՎՈՐ ԽԱՄԲԱԳԻՐ՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՐՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՁՅԱՆ

Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ჩვენ მიზნადგაქცეულია: თბილისი 0105, ბათუმის ქუჩა 5
 სერ ხაყენი მძიმესი 0105 ფ.პრინცი ქ. 5
ტელ. ზღ. 2990-739, 2990-774
www.vrastan.ge E-mail: vrastan.press@gmail.com
 გრანდმან ქსავასკანი № 4 4 - 1439
 «**წლირი**» ღრთარაკსიონი

«ვრასტანო»
ლიბი, საქართველო
"ВРАСТАН"
ბილისი, Грузия
<VRASTAN>
Georgia, Tbilisi
Индекс 66445